

SCRIPT OF EVENING GOJRI NEWS BULLETIN 01 NOV 1700 HRS

ایونینگ گو جری نیوز بلیٹن مو رخہ 1 نومبر 2025

یوہ آکا شوانی جموں ہے طارق ابرار تے نصرت چوہدری تیں خبر سُنو۔

HEADLINES

۱۔ لیفٹیننٹ گورنر منوج سنہا نے کہیو کہ نوجوانان غی طاقت مضبوط تے خوشحال بھارت کی تعمیر کی ضمانت ہے۔

۲۔ وزیر اعلیٰ عمر عبداللہ نے نہرو پارک تیں کرا ل سنگری توڑی بول وارڈ سڑک کی توسیع گوسنگ بنیاد رکھیو۔

۳۔ کشمیر عالمی فلم میلہ گانجواں شمارہ گواافتاح اج ٹیگور بال سرینگرما نہ ہو۔

۴۔ ضلع مجسٹریٹ جموں نے منشیات کی ترسیل مانہ کورینرتے پارسل سروس غاغلط استعمال بارے خبردار کیو ہے۔

۵۔ محکمہ موسمیات غی پیش گوئی غے مطابق 4 تے 5 نومبر نانہ بارش تے برف باری پیشن غا امکان ہیں کسانان نانہ عارضی طورور کم روکن بارے مشورو دتو گیو ہے۔

LG YOUTH

لیفٹیننٹ گورنر منوج سنہا نے ہفتہ کے روز کہیو کہ جموں کشمیر کا نوجوان ایک روشن مستقبل کی تعمیر تے مضبوط و خوشحال بھارت کا قیام مانہ اپنواہم کردار ادا کر سکیں۔ وہ کشمیریونیورسٹی مانہ ڈاکٹر رابی معصوم رضا کی وراثت کا موضوع ور بین الاقوامی سیمی نار تیں خطاب کر رہیا تھا۔ لیفٹیننٹ گورنر نے ڈاکٹر رضا غی بھارتی ادب مانہ خدمت کی تعریف کرتاواں کہیو کہ ان کو پیغام اج وی قوم مانہ اتحاد تے ہم آہنگی نانہ فروغ دے۔ انہاں نے یقین دوا یو کہ جموں کشمیر مانہ امن و ترقی گوسفر بغیر کسی رکاوٹ کے جاری رے گو۔ انہاں نے Byte مزید اس طرح کہیو۔

LG CHRYSANTHEMUM GARDEN

لیفٹیننٹ گورنر منوج سنہا نے اج سرینگر کا بوٹینکل گارڈن مانہ گل داؤد ور مبنی باغ گو دورو کیو۔ یوہ باغ سوکنال ور پھیلیووی ہے تے جموں کشمیر گو پہلوگل داؤدگی قسم گو باغ ہے جس نانہ محکمہ باغبانی، پارک تے پھولاں کی کاشت آلاں نے تیار کیو ہے۔ یوہ باغ خزاں غاموسم مانہ مقامی لوکاں نے سیاحاں واسطے ایک خوبصورت پھولاں گو مرکز بن گیو ہے۔ لیفٹیننٹ گورنر کے نال ڈاکٹر مندیپ کے بھنڈاری جہڑا پرنسپل سیکریٹری ہیں، زبیر احمد کمشنر و سیکریٹری محکمہ باغبانی، اکشے لال پرو ڈپٹی کمشنر سرینگر دیگر اعلیٰ افسران وی موجود تھا۔

CM BOULEVARD ROAD

وزیر اعلیٰ نے اج نہرو پارک تیں کرا ل سنگری سرینگر توڑی بولورڈ سرک نانہ چوڑ کر تے چار لین بنان گامنصوبہ گوسنگ بنیاد رکھیو۔ بڑی تعداد مانہ موجود لوکاں تیں خطاب کرتاواں وزیر اعلیٰ نے کہیو کہ یہ منصوبہ نقل و حمل کا دباؤ نانہ کھٹ کرے گو۔ سفر نامہ محفوظ، آسان، سرسبز تے خوبصورت بناوے گو جس تیں مقامی لوکاں تے سیاحاں نانہ فائدوے گو۔

وزیر اعلیٰ غے نال نائب وزیر اعلیٰ سریندر چوہدری، مشیر ناصرا سلم وانی تے خانیار حضرت بل
زڈی بل تے چناپورہ گارا کین اسمبلی وی موجود تھا۔ بعد مانہہ ذرائع ابلاغ سنگ گل کرتاں وان
Byte نائب وزیر اعلیٰ نے اس طرح کہیو۔

KWFF

وان کشمیر عالمی فلم میلواج سرینگر گائیگور بال مانہہ افتتاح گے نال شروع ہوو۔ یوہ میلو 57
نومبر توڑی جاری رہ گوجس مانہہ بھارت تے بیرون ملک گئی 60 منتخب فلم دسی جیں گئی
تاجے مختلف زبانان تے ثقافتان گوجشن مانیو جاسکے۔ اہتمام کرن آلاں نے دسیو کہ اس فلم
میلہ مانہہ فیچر فلم، ڈاکیومنٹریز تے انیمیشن جیسی مختلف کیٹاگری مانہہ اعزاز دتا جیں
گا۔ افسران گو کہنوبے کہ یوہ میلونہ صرف سنیمانانہہ فروغ دے گو۔ بلکہ سیاحت نانہہ وی
بدهاوے گو۔ تے کشمیر گئی خوبصورتی نانہہ دنیا گے سامنے آجا کرے گو۔ انعقاد کرن آلاں گے
مطابق کئی مشہور بالی وڈ شخصیات جسرا کہ رضامراد، رجت کپور، جیوگتی
بھاتیہ، سیشر شرما، مدہر بھنڈکر، اللت پارمو تے سنیت ٹنڈن اپنی شرکت گئی تصدیق
Byte کرچکا ہیں۔ انعقاد کرن آلاوچوں مشتاق علی احمد خان نے اس بارے اس طرح کہیو۔

DM JMU COURIER

منشیات غی نقل و حمل مانہہ کوریئر تے پارسل سروس گابدهتا و اغلط استعمال ورقابو پان
واسطے، ضلع مجسٹریٹ جموں نے بھارتیہ ناگر گتا سرکشن سہیتا 2023 گئی دفعہ 163 غے
تحت ایک سخت حکم جاری کیو ہے۔ اس حکم نامہ مانہہ ضلع جموں مانہہ چلن آلی تمام
کوریئر، لو جسٹکس تے پارسل سروس آلی کمپنیاں نانہہ ہدایت دتی گئی ہے کہ سخت جانچ
گوقدم چائیں تے این ڈی پی ایس، منشیات مخالف قانون گئی تمام شرائط ور عمل کریں۔ حکم نامہ
مانہہ کہیو گیو ہے کہ یاہ اطلاع لبھی ہے کہ کئی کورینر کمپنی تے پارسل سروس گواستعمال
نشہ آور اشیاعی ترسیل واسطے کیو جارہیو ہے جس نانہہ عام سامان گاطورور
بھیجیو جاسکے۔

VIGILANCE WEEK

اودھم پور گانشہید بھگت سنگھ پارک مانہہ اج بھارتی قومی شاہراہ گئی اتھارٹی گئی طرفوں
جاری بیداری ہفتہ گے تحت ایک خاص پروگرام منعقد کیو گیو۔ اس موقع ور مقامی فنکاراں نے
ایک دلچسپ ڈوگری ڈرامو پیش کیو۔ جس مانہہ بدعنوانی گے خلاف پیغام دتو گیو۔ ناظرین نے
پروگرام نانہہ پسند کیو۔ این ایچ اے آئی نے کہیو کہ ایسا پروگراماں غے ذریعے، وہ ایمانداری
تے شفافیت نانہہ فروغ دین واسطے پر عزم ہیں۔ آکاش وانی گا خبراں آلا شعبہ سنگ گل کرتاں
Byte وان پروجیکٹ ڈائریکٹرانوچ کمار سنگھ نے اس طرح کہیو۔

REASI HEALTH CAMP

محکمہ آیوش جموں و کشمیر مرکزی زیر انتظام نے ریاسی مانہہ ایک مفت طبی جانچ تے آگاہی
کیمپ منعقد کیو۔ اس کیمپ گو مقصد روایتی طبی نظام نانہہ فروغ دینو تے لوکاں مانہہ مجموعی
صحت تے بیماریاں تیں بچاؤ بارے، بیداری پھیلا نو ہے۔ مقامی لوکاں نے اس مانہہ
بھرپور حصو لیا۔ آیوش ڈاکٹراں تے ماہرین صحت غی ٹیم نے مفتی طبی مشورہ دتا۔ صحت
بارے جانچ کی تے مفت آیوش ادویات تقسیم کیں۔ کیمپ مانہہ لوکاں نانہہ آیورویدا،
یوگا، یونانی، سدھا تے ہومیو پیتھی گے ذریعے طرز زندگی تیں جڑی بیماریاں ور قابو پان گا

فائدہ بارے دسیو۔آکاش وانی گاخیراں آلاشعبہ سنگ گل کرتاں واں ضلع آیوش
Byte افسرڈاکٹر پریادیپ راج نے اس طرح کہیو۔

WEATHER

محکمہ موسمیات سرینگر نے جموں کشمیر واسطے موسم کی پیشن گوئی تے ہدایت جاری کی
ہے۔آئندہ کچھ دنوں توڑی موسم زیادہ تر خشک رہن گی توقع ہے لیکن اگلا ہفتہ کچھ حصاں
مانہ ہلکی بارش تے برف بارپین گا امکان ہیں۔4 تے 5 نومبر ناہے عام طور پر موسم ابر آلود رہ
گوتے شام یارات گے وقت اچا علاقہ مانہ ہلکی بارش تے برفباری ہوسکے۔کساناں ناہے
مشورہ دتو گیوے کہ 4 تے 5 نومبر ناہے کھیتاں مانہ کم ناہے روک دیں، تانجے کسی وی قسم
گانا خوشگوار واقع تیں بچیو جاسکے۔

KISHTWAR VANDE MATRAM

گورنمنٹ ڈگری کالج کشتواڑگی این سی سی سی کی سینئر ٹیم تے سینئر ونگ یونٹ نے اج حب
الوطنی گیت وندے ماترم گا 150 سال مکمل ہون غا موقع ور دو ہفتاں کی تقریب گو آغاز
کیو، جہڑو 14 نومبر 2025 توڑی جاری رہے گو تقریب غو آغاز قومی پرچم چاڑن تیں
ہو۔اس تیں بعد این سی سی گائیڈٹس نے حب الوطنی گا گیت گایا، جس تیں پورو کیمپس حب
الوطنی گا جوش تیں بھر گیو۔یوہ پروگرام 10 جے اینڈ کے بٹالین این سی سی، بھدرواہ غے
بینر تلے منعقد کیو گیو، جس مانہ 80 کڈٹس نے جوش و خروش تیں حصو لیا۔
